



# IROMAG

*Odlazni studenti*



by IROUNMO

U OVOM BROJU

**DJEČIJI DAN KNJIGE**

**BEST MOSTAR**

**DAN OTVORENIH VRATA**

**UNIJA STUDENATA  
PRIPREMILA IFTAR**

**OBILJEŽAVANJE DANA  
ŠEHIDA**

**FIT CODING  
CHALLENGE 2023**

Prvi april se obilježava kao Svjetski dan šale - dan rezervisan za kreiranje različitih smicalica i praktičnih šala uz obavezan podvik "Aprilili!".

Pretpostavlja se da je početak ovih šala čak iz 1564. kada se početkom aprila održavao festival ludosti zvan "Quirinalia". Upravo te godine francuski kralj Karlo Deveti je predstavio novi kalendar po kojemu je početak Nove godine pomaknut sa 1. aprila na 1. januar.

# DAN DJEČIJE KNJIGE

By IROUNMO

2. april - Međunarodni dan dječje knjige (ICBD - International Children's Book Day) obilježava se svake godine kako bi se ukazalo na važnost dječje knjige i razvila ljubav prema čitanju. Kao datum obilježavanja izabran je rođendan Hansa Christiana Andersena - 2. april.

Svake godine različita nacionalna sekcija IBBY-ja ima priliku da bude međunarodni sponzor ICBD-a. Odlučuje se za temu i poziva autore iz zemlje u kojoj se organizuje da napiše poruku djeci svijeta i poznatog ilustratora da dizajnira poster. Ovi materijali se koriste na različite načine za promociju knjiga i čitanja.

Mnoge IBBY sekcije promovišu ICBD kroz medije i organizuju aktivnosti u školama i javnim bibliotekama. ICBD se često povezuje sa proslavama oko knjiga za djecu i drugim posebnim događajima koji mogu uključivati susrete sa autorima i ilustratorima, takmičenja u pisanju ili najave nagrada za knjige.

Sadašnji i prethodni posteri dostupni su u Sekretarijatu IBBY-ja. Katalog plakata i poruka koji su se pojavili između 1967. i 2002. godine, kreiranih povodom 50. godišnjice IBBY-ja, također je dostupan za naručivanje.



# BEST MOSTAR

By IROUNMO

Ovogodišnji akademski međunarodni seminar "The Road To Cyber Security" će se održati od 08.05. do 17.05.2023. Polaznici seminara će tokom 10 dana imati priliku da unaprijede svoje IT vještine na predavanja najvećih stručnjaka iz BiH.

Također, na seminaru će prisustvovati i studenti iz 15 Evropskih država.

HackAtHome je jedinstveni događaj koji pruža priliku za učenje i nagrađuje znanje. Edukacijski vikend je prilika za svakog studenta da stekne nova znanja i vještine koje će mu pomoći da se profilira u svojoj profesiji. Edukacijski vikend je također izvrsna prilika da se studenti upoznaju sa kompanijama i na taj način sebi osiguraju priliku za posao ili praksu.





# DAN OTVORENIH VRATA

By IROUNMO

Dan otvorenih vrata na Univerzitetu "Džemal Bijedić" u Mostaru održan je u utorak, 25. aprila 2023. godine u univerzitetskom kampusu Sjeverni logor. Dan otvorenih vrata predstavlja priliku za maturante i buduće studente da se upoznaju i dodatno informišu o radu Univerziteta "Džemal Bijedić" u Mostaru i mogućnostima studiranja na fakultetima ili univerzitetskim studijima koje planiraju upisati u skladu sa svojim afinitetima.

Posjetioci su imali priliku posjetiti informativne pultove fakulteta, univerzitetskih studija, Kancelarije za međunarodnu saradnju, Univerzitetske biblioteke i Unije studenata, te prikupiti više informacija o uslovima za upis na određeni fakultet ili univerzitetski studij, o nastavnim planovima i programima, organizaciji i načinu izvođenja nastave, kao i o karijernim mogućnostima koje je moguće ostvariti nakon završetka studija na Univerzitetu "Džemal Bijedić" u Mostaru, dok su nastavno osoblje i studenti bili na raspolaganju da pruže više informacija i odgovore na pitanja.



UNIVERZITET  
"DŽEMAL BIJEDIĆ"  
U MOSTARU

Univerzitet "Džemal Bijedić" u Mostaru

**DAN  
OTVORENIH VRATA**

Utorak | 25.04.2023 | 11:00

Univerzitetski kampus  
Sjeverni logor bb

Pridružite nam se, mi gradimo budućnost!

+387 36 570 727 | unmo.ba | univerzitet@unmo.ba | facebook.com/unmo



# UNIJA STUDENATA

By IROUNMO

# ORGANIZovala VELIKI IFTAR

Održan Studentski iftar u kampusu Univerziteta "Džemal Bijedić" u Mostaru

Unija studenata Univerziteta "Džemal Bijedić" u Mostaru organizovala je iftar za studente našeg univerziteta.

Zajednički studentski iftar u kampusu predstavlja krunu megaprojekta Studentski iftari 2023.godine, u okviru kojeg Unija studenata obezbjedila 3000 obroka/iftara za studente koji dolaze van Mostara.

Veliki zajednički iftar organizovan je uz sponzorstvo restorana Urban-taste of orient, restorana M&M i NOA-prirodna izvorska voda.






# OBILJEŽAVANJE DANA ŠEHIDA

By IROUNMO

Rektorica Univerziteta "Džemal Bijedić" u Mostaru prof. dr. Alena Huseinbegović i prorektor za međunarodnu i međuuniverzitetsku saradnju prof. dr. Rijad Novaković prisustvovali su obilježavanju Dana šehida na mostarskim Šehitlucima. Polaganjem cvijeća prisjetili su se i odali počast svim šehidima koji su u teškoj borbi za opstanak položili svoje živote za odbranu grada, domovine i slobode.

Dan šehida se u Bosni i Hercegovini tradicionalno obilježava drugi dan Ramazanskog bajrama. Obilazak šehidskih mezarja i spomenika predstavlja priliku da se prisjetimo uloge i značaja naših šehida koji su nesebično žrtvovali svoje živote kako bi obezbijedili opstanak države i naroda. Na tome smo im vječno zahvalni.



# FIT CODING CHALLENGE 2023

By IROUNMO

FIT Coding Challenge 2023 - Registracije otvorene

Registracije za ovogodišnji, šesnaesti po redu, FIT Coding Challenge su otvorene. U okviru jednog od najvećih IT takmičenja u regiji studenti će imati priliku stupiti u kontakt sa predstavnicima najvećih IT kompanija u BiH, saznati mnogo informacija o trenutnim i budućim trendovima, te uz druženje i dobru zabavu demonstrirati svoja znanja i vještine.

Ove godine FIT coding challenge počinje 01.06.2023. u 9:00h Fakultet informacijskih tehnologija. Link za prijave <https://cc.fit.ba>



# IROMAG



/iro.unmo



@iro.unmo



/iro.unmo

**IROMAG TEAM**  
MIRSADA BEHRAM  
LEJLA ŠKALJIĆ  
LEJLA REPEŠA  
HUSEIN MARIĆ

